

Raajanut akitsuutit pillugit Inatsisartut inatsisaat

§ 1. Inatsimmi uani aalajangersakkat naapertorlugit inuit selskabillu, angallatinik Kalaallit Nunaanni nalunaarsorsimasunik raajarniarsinnaanermut akuersissummik peqartut, pisaminnik, kalaallit nioqqutissiorfinut nioqqutissiassatut tulaanneqanngitsunik, landskassemut nakkartartussanik akitsuutininik akiliisassapput.

§ 2. Raajat § 1-imi taaneqartut akiinit akitsuummik akiliisoqartassaaq, takuulli § 3.

Imm. 2. Akitsuuteqartussaaneq atuutilissaaq raajat tunineqarneranni, takuulli § 3, imm. 2.

§ 3. Tunisineri akigititaq imminnut attuumassuteqanngitsumik niuertut akornanni niuernermissulli allaanerusumik aalajangersarneqars-mappat Akileraartarnermi Pisorta qarfiup tunisineri akigititaq aalajangersarsinnaavaa, imminnut attuumassuteqanngitsut niuertut akornanni niueqatigiinnerminni angusarsinnaasaannut naapertuuttumut.

Imm. 2. Sillimmasiissutit taarsiivigineqarnerillu inatsimmi uani tunisineri akisulli isigineqarput.

§ 4. Akitsuusigassat §§-it 2 aamma 3-mi naatsorsorneqarsimasut 11 procent-imik akitsuuserneqassapput.

Imm. 2. Ukioq akitsuuteqarfusoq tassaavoq qaammatsiutit malillugit ukioq.

§ 5. Ingerlatsiviit akitsuutitut akiliisussaasut raajat akitsuusigassat tunisatik naatsorsortassavaat, akitsuutit naatsorsorneqarnissaannut eqqortumillu akilerneqarnissaasa nakkutigineqarnissaannut tunngaviusussanik.

Imm. 2. Qanoq naatsorsuisarnissamut malittarisassat sukumiinerusut Akileraartarnermi Pisorta qarfiimmit aalajangersarneqassapput.

§ 6. Kvartalit tamaasa akitsuutit akilerneqartassapput.

Imm. 2. Kvartalikkaartumik akitsuusigassat naatsorsorneqarneranni akitsuusigassat angallammik ataatsimut, § 1-imi pineqartumut, angallammilu nioqqutissiorsinnaanermut akuersissummik peqartumut, 1 mio. koruunit ilanngaatigitinneqassapput.

Imm. 3. Ilanngaatissat tamakkiisumik ilaannakortumilluunniit ukiup akitsuuteqarfusup iluani ator neqarsimanngitsut, kvartalimut tullermut ingerlateqqineqarsinnaapput, takuuk § 4, imm. 2.

§ 7. Ingerlatsiviit akitsuutitut akiliisussaasut kvartalit naaneri tamaasa kingusinnerpaamillu qaammatip tulliani ulluinnarmi kingullermi, Akileraartarnermi Pisorta qarfiimmut nalunaarutigisassavaat akitsuusigassat tunngaviat taakkununngalu akitsuutissat annertussusaat. Nalunaarut ingerlatsiviup ulluinnarni aqutsiuit atsiorneqarsimassaaq.

Imm. 2. Nalunaarut pif::issaagallartillugu nassiunneqarsimanngippat piffissam akitsuutitut akiligassat 2 pct.-imik erniaqartinneqassapput, minnerpaamilli 500 koruuninik annerpaamillu 2.000 koruuninik.

§ 8. Kvartalimi akitsuusigassat akitsuutaat qaammatip tulluup naannginnerani Akileraartarnermi Pisorta qarfiimmut akilerneqarsimassapput.

Imm. 2. Akitsuutit piffissaagallartillugu akilerneqarsimanngippata ullormit akiliffissamit kingullermiit

qaammatip aallartinneri tamaasa akiligassat 2 pct.-imik ernialerneqartassapput, minnerpaamilli 500 koruuninik.

§ 9. Ingerlatsivik akitsuutitut piffissaagallartillugu akiliisimangitsoq Akileraartarnermi Pisortaqarfimmit peqquneqarsinnaavoq kvartalimit sivikinnerusumut nalunaarusiortaleqqullugu.

Imm. 2. Aammattaaq Akileraartarnermi Pisortaqarfiup ingerlatsivik piffissaagallartillugu akitsuutitut akiliisimangitsoq § 8-imi taaneqartumit sivikinnerusumik akiliinissamut piffissalersinnaavaa, piumasaralugulu akitsuutit akilernerneqarnissaannut qularnaveeqquisoqarnissaa.

§ 10. Paasineqarpat ingerlatsiviup akitsuusigassat eqqunngitsumik nalunaarusiorsimagai, taamaalluni ingerlatsivik akitsuutitut akiliinikipallaarluni, taava akiligassat sinneri ingerlatsivimmit akilersinniarneqassapput, § 8, imm. 2 naapertorlugu pillaatitut ernialinneqarsinnaasut ilanngullugit, sivikinnerpaamillu ullut 14-t qaangiutsinnagit akiligassatut.

Imm. 2. Paasineqarpat ingerlatsivik akitsuutitut akiliivallaarsimasoq, ullormit akiliiffimmiit qaammatit aallartinneri tamaasa akiliutaavallaarsimasut 1 pct.-imik ernialerneqartassapput.

Imm. 3. Nalunaarusiaq piffissaagallartillugu nassiunneqarsimangippat imaluunniit akitsuutit ingerlatsiviup naatsorsuutai tunngavigalugit naatsorsorneqarsinnaanngippata, Akileraartarnermi Pisortaqarfiup akitsuutit missiliuussinikkut angissusilersinnaavai.

Imm. 4. Akitsuutit piffissaagallartillugu akilernerneqarsimangippata ullormit akiliiffissamit kingullermiit qaammatit aallartinneri tamaasa akiligassat 2 pct.-imik ernialerneqartassapput, minnerpaamilli 500 koruuninik.

§ 11. Inatsit una naapertorlugu Akileraartarnermi Pisortaqarfiup aalajangiineri sap. akunneri sisamat qaangiutsinnagit akitsuutinik nakkutilliisunut naammagittaalliutigineqarsinnaapput, takuuk § 16.

Imm. 2. Imm. 1 naapertorlugu akitsuutit annikillineqarpata, aningaasat ullornit akiliiffimmiit qaammatit aallartinneri tamaasa qaammammut 2 pct.-imik ernialerneqartassapput.

Imm. 3. Akitsuutinik nakkutilliisut aalajangiineri sap. akunneri arfineq-pingasut qaangiutsinnagit eqqartuussisunut naammagittaalliutigineqarsinnaapput.

§ 12. Ingerlatsivinnut, inatsimmi pineqartunut Akileraartarnermi Pisortaqarfik misissuiartortarsinnaavoq aammalu ingerlatsiviup ingerlatsinermini atuagaatai, naatsorsuutitut tunngasut allat kiisalu allagaatai misissortarsinnaallugit.

Imm. 2. Imm. 1-imi pineqartumik misissuiartornermi ingerlatsiviit piginnittui ingerlatsivimmilu sulisut Akileraartarnermi Pisortaqarfik pisariaqartunik ilitersorlugulu ikiortassavaat.

Imm. 3. Atortut imm. 1-imi taaneqartut Akileraartarnermi Pisortaqarfiup piumasaqarneratigut tunniunneqassapput imaluunniit Akileraartarnermi Pisortaqarfimmut nassiunneqassallutik.

Imm. 4. Naatsorsuutitigut atortut il.il. inummi pingajuusumiippata, taassuma, taakkua allanut tunniunneqannginnissaannik pisussaaffeqaraluarluni, atortut Akileraartarnermi Pisortaqarfimmut tunniutissavai, taamaattoqartillugulu Akileraartarnermi Pisortaqarfiup isumagissavaa atortut atorineqareerpata inummut pingajuusumut pineqartumut utertinneqarnissaat.

§ 13. Pisortat oqartussaasut piumaffigineqarunik paasissutissat suulluunniit Akileraartarnermi Pisortaqarfimmut nalunaarutigissavaat, ingerlatsiviit nalunaarsornissaannut akitsuutillu akilernerneqarsimanerisa nakkutigineqarnissaannut Akileraariarnermi Pisortaqarfiup atugassaatut.

§ 14. Inatsimmi matumani aalajangersakkat naapertorlugit akitsuutit akilernerneqarnissaannut akisussaasuvoq raajartassanut akuersissunmik piginnittoq.

Imm. 2. Ukiumut pisas? arisat tamarmiusut ilaalluunniit tunineqarsimappata, pisassanik pisisoq akitsuutit akilernissaannut akisussaavoq.

§ 15. Naalakkersuisut, naalakkersuisulluunniit tamatumunnga piginnaatitaat inatsisip matuma atuutsinneqarnissaanut erseqqinnerusunik malittarisassiorsinnaapput kiisalu akitsuummut akilii.nngitsoortitsisinnaallutik imaluunniit annikilliliisinnaallutik, pissutsit immikkut illuinnartut tamanna pisariaqartippassuk.

Imm. 2. Naalakkersuisut tamakkiisumik ilaannakortumilluunniit akitsuutitut akiliinngitsoornissamut akuersissuteqarsinnaapput, nunami nioqqutissiorfiit imaluunniit immikkut misileraalluni aalisarnerup tamanna pisariaqartippassuk.

§ 16. Akitsuutitut nakkutillisoqarfik 5-inik ilaasortaqrpoq. Nammineq malittarisassani aalajangersassavai, tamatumani ilaallutik suliassani ataasiakkaani inuup aalajangeeqataasinnaaneranut maleruagassat.

Imm. 2. Akitsuutitut nakkutillisoqarfimmi ilaasortaapput Landsdommeri, siulittaasuusoq, inuussutissarsiornermut akileraartarnermullu pisortaqrfinni direktørit kiisalu Avataasiutinik Piginneqatigiiffiit Katuffiat aammalu Royal Greenland A/S-ip direktøria.

Imm. 3. Siulittaasoq sinniisussaqaqngilaq, ilaasortat allat sinniisussartik namminneq toqqassavaat.

Imm. 4. Akitsuutitut nakkutillisoqarfup aalajangiineri atuutissappata aalajangiinerni, amerlanerussuteqarnikkut aalajangiisarfiusuni, ikinnerpaamik ilaasortat pingasut peqataassapput. "aasinermi amerlaqatigiittoqarneratigut siulittaasup taasinera aalajangiisuussaaq.

Imm. 5. Akitsuutitut nakkutillisoqarfup allaffissornikkut suliassai Akileraartarnermi Pisortaqrarfup isumagissavai.

§ 17. Akitsuutitut nakkutillisoqarfimmi ilaasortat Kalaallit Nunaanni pinerluuteqarsimasunut inatsimmut akisussaassuseqartumik paasissutissat, akitsuuteqartussaasup aningaasaqarniarneranut, inuussutissarsiorneranut imaluunniit nammineq inuuneranut tunngassuteqartut, inatsisip matuma isumagerani paasisimasatik susassaqaqngitsunut oqaatiginngillui.nnassavaat.

§ 18. Akiliisinneqassaaq piaarluneerluni mianersuaalliorujussuarluniluunniit:

1) Eqqunngitsunik paasinerlutsitsiniutinilluunniit paasissutissiisoq imaluunniit akitsuutit naatsorsornissaannut nakkutigineqarnissaannullu paasissutissanik nipangiussisoq.

2) Akileraartarnermi Pisortaqrarfimmut nalunaarutiginninngitsoortoq angissusilinerup annikippallaarneranik, missiliuussinikkut akitsuutit annertussusaannik nalunaarfigineqareermermi kingorna kingusinnerpaamik sap. akunneri sisamat qaangiutsinnagit.

3) § 5, imm. 1-imik, § 7., imm. 1-imik aammalu § 12, imm. 2 aamma 3-mik unioqquitsisoq.

4) § 9, imm. 1 naapertorlugu peqqussummik naammassinninngitsoq.

Imm. 2. Maleruagassiani, inatsisip matuma kingunerisaanik sananeqarsimasuni, inummut piaarluneerluni mianersuaalliorujussuarluniluunniit maleruagassianik unioqquitsisumut akiliisitsis?utissat aalajangersarneqarsinnaapput.

Imm. 3. Aktiselskabit, anpartsselskabit, andelselskabit, umiarsuaatileqatigiiffiit assigisaalluunniit unioqquitsippata, selskabi unioqquitsisoq akiliisussanngortinneqarsinnaavoq.

§ 19. Naalakkersuisut, naalakkersuisulluunniit tamatumunnga piginnaatitaat, inatsimmi matumani aalajangersakkanik unioqquitsisoq nalunaarfigisinnaavaat suliassag eqqartuussinertaqaqngitsumik naammassineqarsinnaasoq, unioqquitsisoq unioqquitsinerminik nassuerpat, akiligassiissutigineqartullu piffissap aalajangersimasup, qinnuteqarnikkut sivitsorneqarsinnaasup, iluani akilerumassappagit.

Imm. 2. Nalunaarutiginninnermut, imm. 1-imi taaneqartumut atatillugu inatsisinik atortitsinnermut inatsimmi aalajangersakkani unnerluutiginninnermut allassimasut atuutissapputtaaq.

Imm. 3. Akiliisitsissut piffissaagallartillugu akilerneqarpat imaluunniit aalajangiunneqarnermi kingorna akilersinneqarpat qanoq iliuuseqartoqaqqissanngilaq.

§ 20. Inatsisartut inatsisaat 1. januar 1991-imiit atuutilissaaq.

Imm. 2. Ullormit tassaniit raajanut akitsuutit pillugit Namminersornerullutik Oqartussat Nalunaarutaat nr. 6, 11. marts 1986-imeersoq atorunnaarpoq.

Imm. 3. Taamaattorli raajat, 1. januar 1991-ip siornatigut pisarineqarsimasut nalunaarummi siuliani taaneqartumi aalajangersakkat naapertorlugit akitsuusersorneqassapput. Raajanut akitsuutit pillugit Namminersornerullutik Oqartussat Nalunaarutaanni nr. 6-imi 11. marts 1986-imeersumi aalajangersakkat naapertorlugit raajanut akitsuutitut, pisat annertussusaat pillugit eqqunngitsumik paasissutissiinerup klngunerisaanik, akiliinikipallaarutaasimasut, raajartassinneqarsimasumit akilersinniarneqarsinnaapput qaammatisiutit malillugit ukiup 1991-ip naanissaata tungaanut.

Namminersornerullutik Oqartussat, 25. oktober 1990.

Jonathan Motzfeldt

/

Emil Abelsen

Namminersorlulik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlulik Oqartussat inatsisinut toqqorsiviat

Naalakkersuisut

